

**UGOVOR
O KUPOPRODAJI PUTNIČKIH TERENSKIH VOZILA**

Ugovorne strane:

- 1. UPRAVA POLICIJE, MINISTARSTVO UNUTRAŠNJIH POSLOVA KANTONA SARAJEVO**, La Benevolencija br. 16, koju zastupa policijski komesar, generalni inspektor policije Mevludin Halilović, (u daljem tekstu: Kupac)
- 2. "BUNJO" d.o.o Sarajevo**, Alipašina bb, kojeg zastupa direktor Enes Bunjo (u daljem tekstu: Prodavac)

Član 1.

Predmet ovog ugovora je nabavka osam (8) putničkih terenskih vozila marke Toyota MC RAV4 2.5 HSD, za potrebe Uprave policije Ministarstva unutrašnjih poslova Kantona Sarajevo, po objavljenom obavještenju o nabavci broj 16475-1-1-42-3-39/18 od 12.06.2018. godine, na osnovu Odluke o izboru najpovoljnijeg ponuđača broj 02/14-4-3793 od 09.08.2018. godine.

Ponuda Prodavca broj J.O. 032-2018 je sastavni dio ovog ugovora.

Član 2.

Ugovorne strane su se sporazumjele da kupoprodaja iz člana 1. ugovora obuhvata sve elemente navedene u ponudi Prodavca na osnovu koje je, zajedno sa elementima iz tenderske dokumentacije i sačinjen ovaj ugovor.

Vrijednost ugovora sa uključenim PDV-om iznosi 531.121,50 KM (petstotinatridesetjednahiljadastotinudvadesetjedna i 50/100 konvertibilnih maraka).

Član 3.

Prodavac se obavezuje da će vozila iz člana 1. ovog ugovora isporučiti u roku do 120 dana od dana obostrano potpisanog ugovora, na adresu Kupca, Zmaja od Bosne 9, 71000 Sarajevo. Sve troškove isporuke do primopredaje, kao i troškove reklamacije snosi Prodavac. Prodavac se obavezuje da će odmah postupiti po eventualnim primjedbama Kupca u pogledu nedostataka na ime izvršene nabavke iz člana 1. ovog ugovora.

Član 4.

Plaćanje će se vršiti po ispostavljenoj fakturi za isporučenu robu najkasnije u roku od 30 dana od dana ispostavljanja fakture.

Član 5.

Cijena i ostali elementi ovog ugovora se ne mogu mijenjati. Prodavac je dužan u roku od deset (10) dana od dana zaključivanja ugovora, dostaviti garanciju za uredno izvršenje ugovora u obliku безусловne bankarske garancije u iznosu od 10% od vrijednosti ugovora, sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

Član 6.

Ukoliko Kupac ocijeni da Prodavac nije u stanju kontinuirano i kvalitetno izvršavati preuzete obaveze, odnosno ukoliko ponuđena roba nije u skladu sa datom ponudom iz člana 1. ovog ugovora, Kupac može jednostrano, bez saglasnosti Prodavca, raskinuti ovaj ugovor.

Član 7.

Kašnjenje u realizaciji Ugovora povlači obračun ugovorne kazne u visini od 1% od vrijednosti ovog ugovora za svaku punu sedmicu kašnjenja do urednog ispunjenja, s tim da ukupan iznos ugovorne kazne ne može biti veći od 10% od vrijednosti ovog ugovora.

Član 8.

Garancija Prodavca na isporučena putnička terenska vozila iz člana 1. ovog ugovora je pet (5) godine bez ograničenja kilometraže, a na hybrid akumulator garancija je deset (10) godina. Prodavac se obavezuje da po potrebi Kupca obezbijedi originalne rezervne dijelove i servisiranje vozila koje pokriva garancija u toku trajanja garantnog perioda. Ova obaveza Prodavca se ne odnosi na kvarove koji nastupaju kao posljedica nestručnog rukovanja i više sile.

Član 9.

Na ostala prava i obaveze ugovornih strana, koja nisu regulisana ovim ugovorom, primjenjivat će se odredbe Zakona o obligacionim odnosima.

Član 10.

Eventualno nastale sporove pri realizaciji ovog ugovora, ugovorne strane će rješavati sporazumno, a u slučaju da se ne riješe sporazumno, utvrđuje se nadležnost suda u Sarajevu.

Član 11.

Svaka od ugovornih strana može otkazati ovaj ugovor u pisanoj formi, uz otkazni rok od petnaest (15) dana, iz razloga koji su utvrđeni Zakonom o obligacionim odnosima.

Član 12.

Ovaj ugovor stupa na snagu danom potpisivanja obje ugovorne strane.

Član 13.


Ugovor je sačinjen u četiri (4) istovjetna primjerka, od kojih po dva (2) zadržava svaka ugovorna strana.

PRODAVAC
BUNJO d.o.o.
Sarajevo
direktor Enes Bunjo



Broj: J.O. /048-2018/
Datum: 03.09.2018

KUPAC
MUP KANTONA SARAJEVO
UPRAVA POLICIJE
POLICIJSKI KOMESAR
Generalni inspektor policije
Mevludin Halilović



Broj: 02-114-4-5767
Datum: 30-08-2018